



# ЎЗБЕКИСТОН ОВОЗИ

2011-yil, 3-noyabr. Payshanba • 132 (31.408) Ijtimoiy-siyosiy gazeta • 1918-yil 21-iyundan chiqa boshlagan • www.uzbekistonovozi.uz

Сўз — ярмарка иштирокчиларига

## Ўзбекистон — Ғоят гўзал

ва тарихий обидаларга  
бой мамлакат

Пойтахтимизда 2 ноябрь куни бошланган «Ипак йўлидаги туризм-2011» XVII Тошкент халқаро сайёҳлик ярмаркасида ўнлаб мамлакатлардан беш юздан зиёд фирма ва компаниялар вакиллари иштирок этмоқда. ЎЗА мухбирлари уларнинг айримлари билан суҳбатда бўлди.

**Шоу Кван ФУ,**

«Mandarin Tours» компанияси директори (Хитой):

— Ўзбекистон ҳақида кўп эшитганман. Бу ерга келиб, ушбу бетакрор замин ҳақидаги таассуротларим янада бойиди. Ўзбекистон — ғоят гўзал ва тарихий обидаларга бой мамлакат. Шу боис бошқа давлатлар сингари Хитойда ҳам унга қизиқиш жуда катта.

Ярмарка доирасида Ўзбекистон сайёҳлик бозори билан батафсил танишиш, янги алоқалар ўрнатиш имконига эга бўлаётганимиздан мамнунимиз. Сайёҳлик соҳасида Ўзбекистон компаниялари билан ҳамкорликни янада ривожлантиришдан манфаатдоримиз.

**Элеонора БАККАНТЕ хоним,**

«Garofol» компанияси вакили (Италия):

— Ярмаркада Ўзбекистоннинг Тошкент, Самарқанд, Бухоро каби қадимий шаҳарлари, у ердаги ноёб тарихий ёдгорликлар, бетакрор обидалар, муқаддас қадимжолар акс этган экспонатлар, фото ва видеороликлар бизда ғоят катта қизиқиш ўйотмоқда.

Халқингизнинг меҳмондўстлиги ва очиқ кўнгиллиги, ўзига хос маданияти ва анъаналари бизни ҳайратга солди. Мамлакатларимиз ўртасида туризм соҳасидаги алоқаларнинг кенгайиши халқларимиз манфаатларига хизмат қилади.

**Нгуен Танх БИHX,**

«BT-Travel» компаниясининг бошқарувчи директори (Вьетнам):

— Компаниямиз кўп йиллардан буён сайёҳларга сифатли хизмат кўрсатиб келмоқда. Меҳмонларнинг аксарияти МДХ ва Европа мамлакатларидан ташриф буюради. Ана шу сайёҳлар орасида

Ўзбекистон фуқаролари сонининг ошаётгани жуда қувончлидир. Сайёҳлик соҳасида улкан салоҳиятга эга Ўзбекистон билан алоқаларимизни янада мустаҳкамлашдан манфаатдоримиз.

**Муқаддас ҒОФУРОВА,**

«Travelite» компаниясининг Марказий Осиё ва Кавказ давлатларидаги вакили (Хиндистон):

— Сайёҳлик соҳасида фаол иш юритаётган компаниямиз сайёҳларга уч йўналиш — экскурсия, соҳилбўйи бўйлаб дам олиш ва соғломлаштириш бўйича хизмат кўрсатади. Сўнгги уч йил мобайнида Хиндистондан Ўзбекистонга, Ўзбекистондан

Хиндистонга саёҳат қилувчилар сони олтишга қўшди. Айниқса, хиндистонлик сайёҳларнинг Ўзбекистоннинг гўзал табиғига, бой тарихига, ранг-баранг урф-одатларига қизиқиши жуда катта.

(ЎЗА)

Фракция фаолияти



Муродбек ЗИЁЕ олган суратлар.

## Ҳар бир қонун лойиҳаси

атрофлича муҳокама қилинди

Олий Мажлис Қонунчилик палатасидаги Ўзбекистон Халқ демократик партияси фракциясининг йиғилиши бўлиб ўтди. Унда бир нечта қонун лойиҳалари муҳокама қилинди.

Фракция аъзолари «Фуқароларнинг пенсия таъминоти тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги қонун лойиҳасини иккинчи ўқишда

муҳокама этишди. Мазкур қонун лойиҳаси меҳнат стажини ҳисобга олиш, имтиёзли пенсия олиш ҳуқуқини бериш, пенсияларнинг таяинлини, қайта ҳисобланиши ҳамда тўлиниши

шартлари ва тартиби масалалари бўйича пенсия қонунчилигига ўзгартиш ва қўшимчалар киритиш, шу орқали фуқаролар пенсия таъминотининг амалдаги тизимини янада такомиллаштиришни назарда тутди.

«Ўзбекистон Республикасининг Жиноят процессуал кодексига ўзгартиш ва қўшимчалар киритиш тўғрисида»ги қонун лойиҳаси муҳокама

қилинди. Қонун лойиҳасига кўра, Жиноят процессуал кодексининг айрим моддаларига ўзгартиш ва қўшимчалар киритилмоқда. Таъкидлаш керакки, мазкур ўзгартиш ва қўшимчалар жабрланганларнинг ҳуқуқ ва манфаатларини муҳофаза қилиш механизми янада кучайишига хизмат қилади.

(Давоми 2-бетда.)

ЎЗХДП: устувор вазибалар

## Янги иш ўринлари яратиш

ижтимоий ҳимоянинг самарали омили

Фарғона вилоят партия кенгашининг навбатдаги пленумида «ЎЗХДП ташкилотлари ва депутатлик гуруҳларининг «Мамлакатимизда демократик ишлорларни янада чуқурлаштириш ва фуқаролик жамиятини ривожлантириш концепцияси»ни амалга оширишдаги иштироки» масаласи кўриб чиқилди.

Пленумда бу борада қилинган ишлар ва олдинда турган вазибалар атрофлича муҳокама қилинди. Сўзга чиққанлар меҳнатга лаёқатли аҳоли, жумладан, имконияти чекланган кишиларнинг ишлаб чиқаришдаги бандлигини таъминлаш ижтимоий ҳимоянинг самарали йўли эканини алоҳида таъкидлашди.

**Азимжон СУЛАЙМОНОВ,**  
ЎЗХДП Данғара тумани кенгаши раиси:

— Халқ депутатлари туман кенгаши сессиясида касб-хунар коллежлари битирувчиларини мутахассислиги бўйича ишга жойлаштириш масаласи биз киритган таклиф ва маълумот асосида кўриб чиқилди

ва тегишли қарор қабул қилди. Аммо партиямиздан сайланган 13 та депутатнинг ҳаммаси ҳам бирдек фаол ишламоқда, дея олмайман. Масалан, янги иш ўринлари яратиш дастури ижросини назорат қилиш билан чекланмай, мавжуд имкониятлардан самарали фойдаланиш йўллари ҳам излашимиз ке-



рак. Бундай имкониятлар ҳар бир туманда бор. Яқинда Президентимиз Фарғона вилоятига ташрифи чоғида мевани қайта ишлаш тармоғини янада кенгайтириш вазифасини

қўйди. Демак, айнан мевани қайта ишлаш, янги иш ўринлари яратиш бўйича аниқ таклифлар билан чиқишимиз керак.

(Давоми 2-бетда.)

Долзарб мавзу!

## Уяли алоқа воситалари

улардан фойдаланишни тартибга солиш — долзарб ижтимоий масалага айланиб бормоқда → 3

Фан — ишлаб чиқаришга

Она заминимизнинг бебаҳо бойликлари → 4

Қинғир иш — келтирар ташвиш

СОХТА диплом, паспорт

4-бет

Эътироф

Ўзбекистон бетакрор гўзалликка, улугворлик ва ўхшаши йўқ тарихий меъморий ёдгорликларга эга бўлган мамлакат ҳисобланадики, бу дийрли инсон ҳаёти давомида лоақал бир марта ўз кўзи билан кўриши керак. Самарқанд, Бухоро, Тошкент, Хива сингари шаҳарлар бағридаги диққатга сазовор жойларнинг суратларини илк бор кўрганимданок қалбимда нима бўлса ҳам Ўзбекистонга бориш керак деган кучли истак туғилган эди.

Ўзбекистон ҳукумати томонидан маданият, санъат ва халқ амалий ижодиёти фаол қўллаб-қувватланаётгани ноёб маданий қадриятларни нафақат асраш ва кўпайтириш, балки мамлакат тараққиёти ва унинг янада гуллаб-яшнашига мустаҳкам замин бўлмоқда.

Фуад Аҳмад  
Бин ИСМАИЛ,  
(Куала-Лумпур мери).

Янгиликлар

## Янги маиший хизмат уйи

Тўрақўрғон тумани марказидаги «Шарқ» маҳалласи ҳудудида аҳолига маиший хизмат кўрсатиш уйи қурилиши жадал суръатларда олиб борилмоқда.

Мазкур қурилишга масъул Акмалжон Рўзиматовнинг айтишича, бинонинг биринчи қаватдан автомобилларнинг эҳтиёт қисмлари билан савдо қилувчи дўкон, электр таъмирлаш устаноси, кийимларни кимёвий усулда тозалаш бўлими, иккинчи қаватдан супермаркет, нон ва қандолатчилик маҳсулотлари ишлаб чиқарувчи цех, сартарошхона ва кафе ва учинчи қаватдан меҳмонхона ўрин олади. Лойиҳа қиймати 1,3 миллиард сўмлик маиший хизмат уйи келгуси йилнинг март ойида фойдаланишга топширилади ва 50 киши мўқим иш жойи билан таъминланади.

## Сифатли пойабзаллар

Косонсойдаги «Ал-Азиз» масъулияти чекланган жамияти асосан болалар учун ўн турдан зиёд маҳсулот ишлаб чиқаради.

Корхонада жорий йилнинг ўтган даври мобайнида 196 минг жуфт юқори сифатли оёқ кийимлар ишлаб чиқарилиб, вилоятдан ташқари республикамизнинг Тошкент, Самарқанд, Жиззах, Сурхондарё, Қашқадарё каби вилоятларидаги буюртмачиларга етказиб берилди.

— Йил охиригача Хитой Халқ Республикасидан олиб келинган 160 минг долларлик янги замонавий ишлаб чиқариш линиясини ўрнатимиз, — дейди МЧЖ директори Баҳодир Тўшматов. — Бу билан маҳсулот сифати янада яхшиланиб, ишлаб чиқариш ҳажми кенгайди ҳамда қўшимча элликта иш ўрни яратилди.

Носиржон ДЕКҚОНОВ,  
«Ўзбекистон овози» мухбири.

«ЎЗБЕКИСТОН ОВОЗИ» — ХИЛМА-ХИЛ ФИКРЛАР МИНБАРИ,  
СИЗНИНГ МИНБАРИНГИЗ!

Обуна индекси — 220



Дизайн: Лицейчилар





